



LITLI SÁMUR

FRÉTTABRÉF HUNDARÆKTARFÉLAG ÍSLANDS
5. tbl. – maí 2017

Aðalfundur Hundaræktarfélags Íslands
Miðvikudaginn 17. maí 2017
Hótel Cabin, Borgartúni 32, 105 Reykjavík, kl. 20:00

Stjórn HRFÍ boðar til aðalfundar í félaginu þann 17. maí n.k. sem haldinn verður á Hótel Cabin, Borgartúni 32, 105 Reykjavík og hefst kl. 20:00.

Dagskrá:

1. Skipan fundarstjóra, fundarritara og lögmæti fundarins kannað
2. Skýrsla stjórnar HRFÍ
3. Ársreikningar félagsins ásamt skýrslum löggilts endurskoðanda og félagskjörinna skoðunarmanna fyrir síðastliðið ár, lagðir fram til staðfestingar
4. Skýrsla um starfsemi síðanefndar
5. Starfs- og fjárhagsáætlun stjórnar samþykkt fyrir næsta starfstímabil
6. Lagabreytingar
7. Kosning formanns HRFÍ og annarra stjórnarmanna skv. 10.gr
8. Kosning tveggja félagskjörinna skoðunarmanna og tveggja til vara
9. Kosning síðanefndar
10. Önnur mál

Kosningarétt og kjörgengi á fundinum hafa þeir sem borgað hafa félagsgjald sitt fyrir 2017, að lágmarki fimm virkum dögum fyrir fundinn. Greiðsluseðlar vegna félagsgjalds 2017 voru sendir til félagsmanna í byrjun janúar. Þá er hægt að hafa samband við skrifstofu til að ganga frá greiðslu.

Herdís Hallmarsdóttir gefur áfram kost á sér til formanns.

Í framboði í stjórnarkjöri eru Daníel Örn Hinriksson og Pétur Alan Guðmundsson sem gefa kost á sér áfram í aðalstjórn félagsins.

Eftirfarandi gefa einnig kost á sér í aðalstjórn en til vara í stöðu varamanns:

Damian Krawczuk, Kjartan Antonson og Viktoría Jensdóttir . Þau bjóða sig fram aðallega í aðalstjórn en til vara í varastjórn.

Eftirfarandi gefur kost á sér í stöðu varamanns: Þórdís Björg Björgvinsdóttir

Endurskoðaðir reikningar munu liggja frammi á skrifstofu félagsins 5 dögum fyrir aðalfund og jafnframt sendir öllum félagsmönnum á tölvupóstlista.

Erindi sem fundarmenn vilja bera undir fundinn undir liðnum önnur mál skulu vera skrifleg og hafa borist stjórn HRFÍ fimm dögum fyrir aðalfund. Slíkar tillögur um önnur mál liggja frammi á skrifstofu og á heimasíðu félagsins næsta virka dag eftir að þær berast.

Stjórn Hundaræktarfélags Íslands

AUGLÝSING UM UTANKJÖRFUNDARATKVÆÐAGREIÐSLU FYRIR AÐALFUND HRFÍ 17. MAÍ 2017

Aðalfundur Hundaræktarfélags Íslands fer fram þann 17. maí 2017, kl. 20:00, að Hótel Cabin, Borgartúni 32, 105 Reykjavík.

Utankjörfundaratkvæðagreiðsla fyrir aðalfund fer fram á skrifstofu Hrfí, Síðumúla 15, 108 Reykjavík, dagana 11.-12. maí og 15.-17. maí 2017, kl. 10-12 og 13-15, alla dagana.

Kosningarétt á aðalfundi og við utankjörfundaratkvæðagreiðslu hafa þeir félagsmenn sem greitt hafa félagsgjald til félagsins fyrir árið 2017 í síðasta lagi þann 10. maí 2017.

Kjörskrá við utankjörfundaratkvæðagreiðslu og kosningu á aðalfundi verður lögð fram miðað við lok dags 10. maí 2017.

Í framboði til formanns félagsins til tveggja ára er Herdís Hallmarsdóttir sem telst sjálfkjörin í embætti formanns.

Í framboði til embættis tveggja meðstjórnanda til tveggja ára eru:

Damian Krawczuk

Daníel Örn Hinriksson

Kjartan Antonsson

Pétur Alan Guðmundsson

Viktoría Jensdóttir

Í framboði til embættis eins varamanns til tveggja ára eru:

Damian Krawczuk

Kjartan Antonsson

Viktoría Jensdóttir

Þórdís Björg Björgvinsdóttir

(Þórdís Björg Björgvinsdóttir býður sig eingöngu fram í embætti varamanns. Aðrir frambjóðendur í sæti varamanns bjóða sig fram aðallega til embættis meðstjórnanda, en til vara í embætti varamanns).

Um kosninguna fer að öðru leyti samkvæmt lögum félagsins og reglum um kjörgengi, -gögn og fyrirkomulag kosninga stjórnarmanna á aðalfundi Hrfí.

Reykjavík 3. maí 2017

Kjörstjórn á aðalfundi Hundaræktarfélags Íslands 2017

Ari Karlsson

Jónas Friðrik Jónsson

Guðný Rut Ísaksen

Skráning á tvöfalda sýningu í júní hafin

Skráning er hafin á tvöfalda útisýningu í júní. Hvolpasýning og keppni ungra sýnenda fara fram föstudagskvöldið 23. júní. Laugardaginn 24. júní er Reykjavík Winner sýning þar sem bestu hundar tegundar (BOB) og bestu hundar af gagnstæðu kyni (BOS) í öllum tegundum hljóta titlana RW-17. Sunnudaginn 25. júní verður alþjóðleg sýning. Sýningin fer fram úti á túni í Víðidal, á sama stað og síðustu útisýningar.

NÝTT: Á sýningunum þann 24. og 25. júní verður keppt um bestu ungliða tegunda (e. best of breed junior) og besta ungliða sýningar (e. best in show junior).

Að þessu sinni verður söluaðilum dýratengdra vara boðið að koma og kynna vörur sínar endurgjaldslaust á svæðinu og vonumst við til að fá skemmtilega stemmningu í kringum það. Dómarar á sýningunni verða: Andrezej Szutkiewicz frá Póllandi, Auður Sif Sigurgeirsdóttir frá Íslandi, Ásta María Guðbergsdóttir frá Íslandi, Fabrizio La Rocca frá Ítalíu, Hanne Laine Jensen frá Danmörku, Kari Järvinen frá Finnlandi og Philip John frá Indlandi. Dómaraáætlun verður birt þegar nær dregur skráningafresti.

Skráningafrestur á gjaldskrá 1 rennur út í lok dags þann 12. maí n.k. Þá er jafnframt lokadagur til að skila umskráningum og gotskráningum vegna hunda á sýningunum.

Skráningafrestur á gjaldskrá 2 rennur út í lok dags þann 26. maí n.k.

Umsóknir um meistaratitla, ættbókarskráningar, eigendaskipti, umskráningar á erlendum ættbókum, þurfa að hafa borist félaginu ásamt öllum viðeigandi gögnum í síðasta lagi 12. maí til þess að tryggja að skráning náist.

Dómaraáætlun er komin á vef félagsins.

Frá deildum HRFÍ

Ungmennadeild

Sunnudaginn 21. maí n.k. kl. 13:00 ætlar Ásta María Guðbergsdóttir, hundasnyrtir og eigandi Dekurdýra, að kenna áhugasömum meðlimum Ungmennadeildar ýmislegt varðandi snyrtingu hunda.

Meðal þess sem Ásta María mun kenna er:

- Hvernig á að baða hund
- Hvernig á að blása mismunandi feldtegundir hunda
- Hvernig á að bursta feldinn og kamba
- Hvernig á að reyta stríhærða hunda
- Hvernig á að klippa klær hundsins
- Snyrting fyrir sýningarhringinn

Snyrtinámskeið Ungmennadeildar HRFÍ

Ásta María Guðbergsdóttir, hundasnyrtir og eigandi Dekurdýra, ætlar að kenna áhugasömum meðlimum Ungmennadeildar ýmislegt varðandi snyrtingu hunda sunnudaginn 21. maí nk. kl. 13.00.

Meðal þess sem Ásta María mun kenna er:

- Hvernig á að baða hund
- Hvernig á að blása mismunandi feldtegundir hunda
- Hvernig á að bursta feldinn og kamba
- Hvernig á að reyta stríhærða hunda
- Hvernig á að klippa klær hundsins
- Snyrting fyrir sýningarhringinn

Skráning fer fram á heimasíðu Ungmennadeildar
<http://ungmennadeild.weebly.com/>
Síðasti skráningardagur er fimmtudagurinn 18. maí.



Námskeiðið kostar 3.500 kr. eða 10 punkta (punktar úr umbunarkerfi Ungmennadeildar, hægt að sjá punkta frá 2016 og stöðu punkta 2017 á heimasíðu deildarinnar). Léttar veitingar verða í boði deildarinnar.

Skráning fer fram hér: <http://ungmennadeild.weebly.com/freacutettir/snyrtinamskei-21-mai>. Síðasti skráningardagur er fimmtudagurinn 18. maí.

Cavalierdeild

Deildarsýning Cavalierdeildarinnar fór fram 22. apríl 2017 á Korputorgi, 48 Cavalierar voru skráðir til leiks, þar af 6 í hvolpaflokkunum. Dómari var Mr. Svein Erik Björnnes frá Danmörku sem var einstaklega elskulegur bæði við hunda og sýnendur og útskýrði framkvæmd sýningarinnar reglulega fyrir áhorfendum. Hann skrifaði einnig mjög ítarlega dóma um hvern hund, kosti hans og galla. Auk hefðbundinnar dagskrár voru veitt verðlaun fyrir besta hund í hverju litaafbrigði þ.e. Blenheim, Black and tan, Ruby og Tricolor. Í úrslitum sýningar voru valdir fjórir hundar í BIS, auk BOB og BOS. Dýrabær gaf bikara og þökkum við kærlega fyrir það framlag. Cavalierdeildin gaf rósettur fyrir öll vinningssætin. Sýningarstjóri var Brynja Tomer, hringstjóri Ásta María Guðbergsdóttir, ritari Sóley Ragna Ragnarsdóttir og aðstoðarritari Brynja Tomer. Ljósmyndari var Marsibil Tómasdóttir. Stjórn deildarinnar sá um uppsetningu sýningarinnar og fékk auk þess aðstoð frá nokkrum deildarmeðlimum. Við færum þeim öllum bestu þakkir fyrir hjálpina.



BOB og BIS var ISJCh RW-16 Magic Charm's Artic, eigandi María Tómasdóttir, sem fékk sitt fimmta meistarastig og var titillinn íslenskur meistari þar með í höfn. BOS og BIS2 var Skutuls Aþena sem fékk sitt fyrsta meistarastig. BIS3 var Kvadriga's Surprise og BIS4 var Drauma Lay Low sem einnig var BÖS. Eldlilju Coco fékk ungliðameistarastig og var einnig besti Black and tan. Besti Ruby var Litlu Giljár Arabella, besti Tricolor var Teresajo Sabrina Una og besti Blenheim Kvadriga's Surprise. BIS hvolpur Ljúflings Oliver Twist og BIS2 Ljúflings Oprah. Drauma ræktun, Eldlilju ræktun, Hlínar ræktun, Hrísnar ræktun og Ljúflings ræktun sýndu ræktunarhópa og urðu úrslit eftirfarandi: 1.

heiðursverðlaun Ljúflings ræktun 2-3. heiðursverðlaun Hlínar ræktun 2- 3. heiðursverðlaun Drauma ræktun.

Ekki var annað að sjá en sýnendur og gestir hafi notið sýningarinnar sem var hin skemmtilegasta og fór vel fram.

Aðalfundur deildarinnar var haldinn þ.22 mars í húsnæði HRFÍ og fóru þar fram hefðbundin aðalfundastörf. Stjórn deildarinnar situr óbreytt áfram þar sem þeir þrír aðilar sem höfðu lokið 2 ára setu gáfu kost á sér áfram. Stjórn skipa Gerður Steinarrsdóttir formaður, Ingibjörg E. Halldórsdóttir varaformaður, Hrönn Thorarensen ritari, Bryndís Óskarsdóttir og Þóra Margrét Sigurðardóttir. Á fundinum veitti stjórn deildarinnar Maríu Tómasdóttur heiðursviðurkenningu fyrir göfugt og óeigingjarnt starf í þágu tegundarinnar undanfarna áratugi og ómetanlegt framlag til ræktunar Cavalier King Charles Spaniel á Íslandi.



Göngunefnd deildarinnar heldur utan um mánaðarlegar göngur þar sem bæði er farið í taumgöngur og lausagöngur . Næsta ganga verður þ. 17 maí þar sem gengið verður við Reynisvatn í Grafarholti . Hægt er að sjá dagskrá göngunefndarinnar á <http://cavalier.is/index.php?page=18&post=452> einnig auglýsir nefndin göngurnar tímanlega á facebook síðum deildarinnar, Cavalierar HRFÍ, got og aðrir viðburðir <https://www.facebook.com/groups/234045040119363/?ref=bookmarks> og Cavalierdeild HRFÍ <https://www.facebook.com/groups/250271358663499/>.

Stjórn Cavalierdeildarinnar.

Chihuahuedeild

Laugardaginn 29. apríl var haldin glæsileg deildarsýning Chihuahuedeildar og mjóhundadeildar HRFÍ. Mættir voru glæsilegir fulltrúar sinna tegunda úr hvorri deild og áttu saman skemmtilegan dag. Dómari var Magnus Hagsted frá Svíþjóð en hann er sérfræðingur í mjóhundum og chihuahua.

Stjórnir deildanna áttu mjög gott samstarf við allan undirbúning.

Á döfinni hjá Chihuahuedeild:

10. maí kl. 20.00 á skrifstofu HRFÍ félagsfundur um augnvottorð tegundarinnar.

20. maí í Sólheimakoti Ganga og grill í tengslum við afmæli deildarinnar

